



CONCELLO DE REDONDELA

ACTA DA XUNTANZA DO CONSELLO PARROQUIAL DE QUINTELA
22 DE DECEMBRO DE 2014

ORDE DO DÍA

- 1.- Aprobación da acta anterior
- 2.- Orzamentos participativos
- 3.- Rogos e preguntas

ASISTENTES

Presidente: Cándido Vilaboa Figueroa

En representación dos grupos municipais:

- Xoan Carlos González Campo
- Paula Campo Camiña

Como representantes das asociacións de veciños:

- Eloy Quiñones Guisande
- Francisco Fervenza Otero
- Claudino Rodríguez Gómez

Como representantes da Comunidade de Montes:

- M^a José Fabre Fervenza
- M^a Carmen Pena Tome

Como representantes da comunidade de augas:

- Francisco Javier Sánchez Martínez
- Bernardo Casas Montero

En representación das ANPAS escolares:

- Lorena Rodríguez Vilaboa
- Ángel Lorenzo

Non asiste e excusa a súa ausencia, D. José Luis Villaverde Campos en representación do PP.

Incidencias: D. Xoan Carlos González Campo incorpórarse á xuntanza ás 20:30 h e D. Claudino Rodríguez Gómez abandona a mesma ás 20:55 h.

Secretaria: Manuela Docampo Pintos



CONCELLO DE REDONDELA

No CEIP de Quintela, a vinte e dous de decembro de dous mil catorce, previa convocatoria reuníronse os/as membros do Consello Parroquial de Quintela baixo a presidencia do Sr. Vilaboa Figueroa, por delegación do Sr. alcalde e asistidos de min, a secretaria do consello, coa finalidade de celebrar a xuntanza ordinaria convocada para o día de hoxe.

Pola Presidencia, declarouse aberta a sesión sendo as vinte horas e cinco minutos, pasándose a tratar a orde do día.

1.- Aprobación da acta anterior

O presidente dá conta da acta da xuntanza deste consello parroquial do 11 de setembro de 2014.

O Sr. Fervenza Otero pide que se corrixa a mesma, xa que hai un erro na denominación dun camiño. No punto 2 na páxina seis, onde di "... Construción do muro do Sr. Fervenza no camiño do Verdeal..." debe dicir "...Construción do muro do Sr. Fervenza no camiño do Carballal..."

Sometida a votación, apróbase a mesma por unanimidade dos asistentes coa corrección realizada polo Sr. Fervenza Otero.

2.- Orzamentos participativos

O Sr. Fervenza propón a colocación dunha sinal de *stop* no camiño da saída do Verdeal coa estrada vella de Quintela á altura do núm. 33

O Sr. Sánchez Mtez. contestálle que é mellor un *ceda ao paso*.

O presidente comeza explicando que as obras comprendidas nos orzamentos participativos do ano 2014 están todas en marcha, a reparación da estrada do Cruceiro e a subida detrás da Igrexa. En canto ao camiño do Carballal estaba todo contratado pero hai problema cos veciños que non queren ceder para o ensanche do camiño. Que xa falou co veciño que consta como propietario do terreo no catastro, e tamén co veciño de abaixo, mostrándolle o proxecto, pero non queren ceder o terreo.

O Sr. Fervenza Otero di que aínda que a finca é súa, para poñela ao seu nome ten que gastar 200 euros nun topógrafo para rectificar o catastro e logo realizar a modificación para que conste ao seu nome nese organismo.

O Sr. Sánchez Mtez. considera que é mellor expropiar o terreo, xa que costa mais o muro que o terreo, ou mercalo e facer o cruce como Dios manda.

O Sr. Fervenza Otero contéstalle que non quere vender a finca.



CONCELLO DE REDONDELA

A Sra. Fabre dille que non se pode mercar toda a finca.

O presidente responde que non se pode facer o muro, que se van retirar as pedras que estaban listas para ser utilizadas.

O Sr. Fervenza explica que é necesario retiralas, xa que o propietario non pode acceder a súa finca para limpala.

O presidente expón que os catro mil e pico de euros destinados para esta obra poden empregarse para realizar outra.

O Sr. Fervenza explica que a finca é da muller e da filla.

O Sr. Sánchez Mtez. pregúntalle ao Sr. Fervenza se está disposto a vender, se gastan os 200 euros en rectificar o catastro e se lle merca.

O Sr. Casas Montero dille ao Sr. Fervenza que aínda que figure a nome doutra persoa no Catastro a finca é súa.

O Sr. Fervenza contéstalle que él ten un documento de permuta.

O Sr. Sánchez Mtez. pregunta se é posible mercar a finca deste home.

O presidente dille que son más de 200 e de 400 m.

A Sra. Fabre di que debe ter más de 500 m.

O Sr. Eloy Quiñones propón que se paguen os 200 euros que costa o topógrafo e que unha vez que conste a nome do Sr. Fervenza no Catastro que se merque a finca.

O presidente dille que a superficie do camiño é de 197,90 m² que o problema non é pagar os 200 euros, é arranxar todo e mercar a prezo razonable. O veciño non cede e a solución está na ampliación da esquina de adiante.

A Sra. Fabre di que hai que retranquear ata a metade da finca.

O presidente propón a vista deste impedimento deixar para outro ano esta obra, pedirlle a un perito que mida a finca e que se ceda ou se expropie o terreo para os vindeiros orzamentos participativos, sempre e cando a familia estea de acordo en ceder.

A Sra. Fabre di que vai ser un gasto inútil.



CONCELLO DE REDONDELA

O presidente propón ao consello que se busque outra obra na que invertir os catro mil e pico de euros que se tiñan destinado a este gasto.

A Sra. Pena di que se pode colocar unha canaleta para canalizar o regueiro no camiño da San Mamede, xa que esta auga non canalizada estraga o muro da súa propiedade e ademais inunda a finca doutro veciño.

A Sra. Fabre di que hai que facer unha canaleta por fóra do camiño e encauzar as augas estrada abaixo.

O presidente di que o camiño do Carballal se vai a asfaltar que está en fase de control.

O Sr. Sánchez Mtez. pregúntalle ao presidente se avisarán á Comunidade de Augas.

O presidente contéstalle que si, que está en fase de control, tardará un mes e logo avisarase.

A Sra. Fabre di que mes e medio.

O Sr. Casas Montero di que se tardarán 2 ou 3 meses para facelo.

O presidente expón que hai que traer ao aparellador para ver que ángulo precisa o camiño para que poida xirar o autobús.

O Sr. Sánchez Mtez. propón que se expropie o terreo de arriba. Que é unha chapuzada porque se comunica no mes de setembro esta obra, e que xa había acordos entre a asociación de veciños co Concello e sen contar coas outras comunidades .

A Sra. Fabre di que o sabe xa ven de antes.

O presidente di que este ano os orzamentos participativos están claros e como non se poden invertir eses cartos (catro mil e pico de euros) habería que buscar en qué.

A Sra. Fabre pregunta se ten que ser xa.

O presidente constéstalle que senón estes cartos pasan para o ano que ven.

A Sra. Fabre propón canalizar a auga que baixa polo camiño de San Mamede e que afecta ao muro da Sra. Pena Tome.

O Sr. Sánchez Mtez. di que cada un pide para cada un. Este Sr. pide para él (dirixíndose ao Sr. Fervenza) o outro para cada un



CONCELLO DE REDONDELA

O Sr. Fervenza contéstalle que diso nada que é para a parroquia.

A Sra. Pena di que ela sempre o dixo, que a auga está a socavar o muro e que ela xa cedeu para a ampliación do camiño.

O Sr. Sánchez Mtez. comenta que á comunidade de augas non se lle dá unha tubería, non se lle dá nada, á asociación de veciños tiran para eles. Propón con eses cartos facer o cuberto para os rapaces.

A Sra. Rguez. Vilaboa di que se trata dun camiño público.

O Sr. Glez. Campo di que o que hai que facer é consensuar en que invertir esos cartos.

O Sr. Lorenzo propón asfaltar o aparcadoiro dos mestres aínda que sabe que pertence á Consellería de Educación.

O presidente propón cun vale autorizar o asfaltado e canalización de auga no camiño do Redondo e pór un panel informativo na parada de autobús

O Sr. Glez. Campo pregunta de quén é a estrada.

A Sra. Rguez. Vilaboa propón o arranxo da curva do camiño de San Mamed

O Sr. Fervenza di que o propietario do terreo da curva pechada do camiño do Albarro de San Mamed estaba disposto a ceder.

Á vista do anterior as propostas para invertir os catro mil e pico de euros que se tiñan destinados ao camiño do Carballal serían:

- Colocar unha canaleta para canalizar o regueiro no Camiño de San Mamede. (Sra. Pena e Sra. Fabre)
- Facer un cuberto para os rapaces. (Sr. Sánchez Mtez.)
- Asfaltar o aparcadoiro dos mestres (Sr. Lorenzo)
- Asfaltado e canalización de auga no camiño do Redondo e pór un panel informativo na parada de autobús (presidente do consello)
- Arranxo da curva do camiño de San Mamede (Sra. Rguez. Vilaboa)

3.- Rogos e preguntas

A Sra. Fabre pregunta sobre o camiño do Copiño, sobre este camiño comenta que ten moita pendente, que se abriu e se intentou asfaltar polo anterior concelleiro (Sr. Nolete) pero dixerón que tiña demasiada pendente e non se podía facer.



CONCELLO DE REDONDELA

O presidente contestalle que este camiño se abriu para o colexio, que comeza desde a Igrexa.

A Sra. Rguez. Vilaboa di que chega ata a explanada.

A Sra. Fabre di que se invira na explanada en vez de perder os cartos no camiño do Carballal e outros.

O Sr. Glez. Campo pregunta ónde entra o camiño

A Sra. Fabre contéstalle que está preparado para llánealo e explanalo.

O Sr. Glez. Campo pregunta canto terá de lonxitude.

O Sr. Fervenza contesta que sobre 1 Km e que é público.

A Sra. Fabre di que debe ser público ata onde empeza o monte e pregunta se habería problema se é monte.

O presidente contéstalle que nese caso, habería que facer unha cesión ao Concello, e que cre que non habería problema, que se terá que falar co Mº de Agricultura.

O Sr. Glez. Campo manifesta que hai que facer algo en condicións, que quede un camiño ancho e facelo ben.

O presidente di que o autobús calquera día vai ter un problema gordo. Era mellor que entrara por un lado e saíra por outro

A Sra. Fabre di que o autobús pode chegar, dar a volta e saír polo mesmo camiño

O Sr. Fervenza di que esa pista xa se fixo para iso.

O presidente expón que hai que buscar o sistema para que poida ser utilizado polo autobús, que hai un pouco de desnivel e que o propietario da granxa está disposto a ceder terreo. Propón falar co dono da granxa e coa comunidade de montes e facer un proxecto para saber os pasos a seguir.

A Sra. Fabre di que no camiño de San Mamede non se solucionou nada, aínda que se ancheou

O Sr. Glez. Campo di que os viais teñen que ir aos 8 m para non ter problema senón é tirar os cartos.



CONCELLO DE REDONDELA

O Sr. Sánchez Mtez. di que a saída de augas onde está o Pichurreiro, no camiño de San Mamed segue sen solucionarse.

O presidente contéstalle que limparán todo.

O Sr. Sánchez Mtez. di que está limpo pero segue sen ter saída a auga e se está levantando o asfaltado. Os carballos na estrada do Carballal, fronte ao núm. 49 segue a ter os mesmos problemas cos cables de Fenosa e cos do alumeadoo público, as ramas cubren toda a estrada e ao estar todo cheo de follas ao frear é un problema.

O presidente contéstalle que a empresa Unión Fenosa estivo cortando e podando por todas as parroquias.

O Sr. Glez. Campo fai a seguinte pregunta/rogo: hai varios meses que denuncia que na zona de Mañó, o Concello está aterrando e queremos algún tipo de explicación porque non hai proxecto para facer o aterro.

O presidente contéstalle que é un lugar no que o Concello deposita as podas e alguén bota terra, escombro, e ata apareceu unha lavadora. No seu momento, pediuse a todas as parroquias que facilitasen un lugar para botar este tipo de restos, empezou Reboreda negándose e logo todas.

O Sr. Sánchez Mtez. di que nós non temos porque tragiar o de todas as parroquias e a terra tampouco.

O Sr. Casas Montero di que xa está tomado unha altura considerable.

O Sr. Glez. Campo di que uns 7 ou 8 m.

O Presidente comenta que escombros non hai.

O Sr. Glez. Campo di que se leváronse camións de terras.

O presidente di que non hai onde botar un triste poste ou barandilla.

O Sr. Glez. Campo di que o refugallo ten que estar tratado, hoxe estiven alí e había de todo ata plásticos. O problema e o resto de material de obra.

O presidente contéstalle que se puxo un candando. Deixase materia orgánica que antes iba para Vilar e que vanse pór unhas balizas.

O Sr. Glez. Campo comenta que non todo o que alí había era orgánico, que houbo atero con camións.



CONCELLO DE REDONDELA

A Sra. Fabre di que namentras sexa refugallo vexetal non hai problema, que pola Senda da Auga estase botando refugallo pero de obra.

O presidente di que en Mañó só se está a levar materia de herba ou algúns residuos de terra, que habería que buscar algúns lugares para botar este tipo de residuo, que habería que falar con todas as comunidades e empregar o diñeiro que se paga no transporte e depósito a outros municipios na parroquia.

Ás propostas indicadas no punto 2 de invertir os catro mil e pico de euros do camiño do Carballal, hai que engadir as seguintes realizadas neste punto:

- a de invertir eses cartos na explanda do Colexio (Sra. Fabre)
- realizar un proxecto sobre o camiño do Copiño (presidente do consello)

E, non habendo máis asuntos que tratar, pola Presidencia levantouse a sesión, sendo as vinte e unha horas e quince minutos da data fixada no encabezamento, en proba de todo o que se extende a presente ACTA, da que, como Secretaria do Consello, DOU FE.

Dilexencia: Acta aprobada na xuntanza do
coadello Parroquial de Quintela celebrada o

03.03.2015